

N A S K H A H  
**CENDERAMATA**  
JABATAN SAINS POLITIK  
UNIVERSITI KEBANGSAAN MALAYSIA  
BANGI.

**MALAYSIA  
DAN  
INTERAKSI NEGARA-NEGARA  
DI ARENA ANTARABANGSA**

**PROSIDING SEMINAR POLITIK  
MALAYSIA KE-V**

*Editor:*

**HAIRANY NAFFIS**

*Penerbit:*

Jabatan Sains Politik  
Fakulti Sains Kemasyarakatan & Kemanusiaan  
Universiti Kebangsaan Malaysia  
43600 Bangi  
Selangor Darul Ehsan

730187

REKOD-REKOD  
KEMENTERIAN KEMAJLISAN  
BERSAMA SAMA  
KEMENTERIAN PERKAWANAN  
MALAYSIA

829.109596  
CEN

Hadiah  
732057

28 JUN 1994  
PERPUSTAKAAN NEGARA  
MALAYSIA

**ISBN 983-99675-2-5**  
**Cetakan Pertama Oktober 1992**  
**Jabatan Sains Politik**

Semua artikel yang terkandung dalam prosiding ini mencerminkan pandangan dan pendapat peribadi penulis artikel tersebut dan tidak mewakili pandangan dan pendapat Jabatan Sains Politik, Universiti Kebangsaan Malaysia.

*Dicetak oleh:*

Pusat Teknologi Pendidikan  
Universiti Kebangsaan Malaysia  
43600 Bangi  
Selangor Darul Ehsan

## PRAKATA

Seminar Politik Malaysia kali ke-V telah berlangsung di kampus induk Universiti Kebangsaan Malaysia, Bangi pada 29 Februari dan 1 Mac 1992. Seminar bertemakan; *Malaysia: Interaksi Negara-Negara Dalam Arena Antarabangsa Dekad 1990-an* ini telah berjalan dengan sempurna dan mencapai objektifnya untuk mencernakan perbincangan yang luas dan analitis secara serius tentang Malaysia di tengah-tengah arus deras perubahan yang melanda masyarakat antarabangsa masakini.

Sememangnya benar bahawa dalam sebarang kajian yang bersifat subjektif dan normatif, pemilihan perspektif dan tanggapan-tanggapan yang sedia wujud dalam diri pengkaji akan menentukan jenis persoalan dan isu yang dibangkitkan serta jawapan atau penyelesaian yang dicapai. Justeru, seminar sebagai satu forum pertembungan fikiran tidak semestinya diadakan untuk memberi jawapan atau penyelesaian yang pasti dan tertentu untuk sesuatu isu yang dibincangkan, tetapi lebih dari itu ia seharusnya bertujuan untuk memberikan seluas-luas pandangan dan sebanyak mungkin perspektif supaya proses pembinaan minda intelek dapat meneroka dimensi-dimensi isu secara lebih terbuka dan objektif. Dengan premis sedemikian, seminar kali ini begitu signifikan sekali kepada Jabatan Sains Politik, Universiti Kebangsaan Malaysia khususnya, kerana ia telah berjaya menemukan bekas pembuat dasar negara, ahli-ahli akademik tempatan dan negara jiran, diplomat asing, aktivis politik dan usahawan muda dalam satu forum akademik, membincangkan persoalan secara serius dari perspektif masing-masing dalam suasana yang berjaya merangsangkan minda.

Sepintas lalu, sebanyak 10 kertaskerja telah dibentangkan merangkumi aspek-aspek paling asas dalam hakikat kehidupan bernegara seperti aspek *kedaulatan negara-bangsa* sehinggalah ke aspek yang lebih bersifat metodologikal seperti masalah penganalisan kajian. Sesungguhnya, sehingga kini masih belum dicapai satu persetujuan yang menyeluruh di kalangan para pemikir, pembuat dan pelaksana dasar tentang batasan-batasan *kedaulatan* dalam hakikat hubungan satu-satu negara dengan aktor-aktor politik antarabangsa yang lain. Praktik politik antarabangsa setakat ini pula, tidak berjaya memaparkan jaminan bahawa *kedaulatan* yang telah dianugerah kepada negara-negara akan dihormati pada setiap ketika. Perlanggaran prinsip tersebut tidak semestinya membawa kepada pengenaan hukuman terutama jika ia dilakukan oleh kuasa-kuasa besar. Arah aliran sebegini sudah tentu akan melahirkan perasaan tidak puas hati di kalangan negara-negara lain justeru mereka melantik diri mereka sebagai hakim dan juri serentak dalam menilai dan bertindakbalas di peringkat antarabangsa. Yang Berbahagia Tan Sri Mohd Ghazali Shafie dalam ucapan perasmian seminar telah mengupas masalah ini dari sudut teori dan praktiknya di peringkat antarabangsa. Beliau telah mempertikaikan keabsahan prinsip tersebut yang dibuat oleh pihak barat dan dicabuli oleh pihak barat sendiri. Menurut beliau, masyarakat di negara-negara sedang membangun khususnya, tidak seharusnya terkongkong dengan interpretasi dan penilaian orang barat, jika mereka mahu maju dan terus merdeka. Kebijaksanaan bertingkhalku dan perpaduan di kalangan negara-negara selatan terutamanya, akan menentukan *kedaulatan* mereka sentiasa terjamin tanpa tunjangan barat.

Malaysia sebagai salah sebuah negara membangun yang telah berkembang pesat dalam pelbagai segi, telah berusaha kuat untuk melahirkan kestabilan order negara sama ada di dalam ataupun di luar negara. Pengalaman negara ini dalam proses tersebut tidak memperlihatkan suatu jalan mudah dan selesa, tetapi sebaliknya ia melibatkan kos yang amat tinggi. Peranan kepimpinan yang peka kepada kehendak rakyat serta perkembangan serantau dan dunia seluruhnya telah berjaya membawa negara ini melalui cabaran-cabaran dari dalam dan luar negeri. Saudari Saidah Abdullah dalam kertas beliau melihat perkembangan ini selama lebih tiga dekad bermula dari era kepimpinan Tunku Abdul Rahman sehingga masakini. Beliau berpendapat bahawa walaupun tahap-tahap kepimpinan tersebut mempunyai keistimewaan yang tersendiri, namun tahap kepimpinan Datuk Seri Dr. Mahathir telah mempamerkan sikap negara yang lebih tegas, bebas dan aktif terutama dalam aspek perhubungan luar negara. Peranan yang dimainkan oleh Perdana Menteri ini khususnya, telah menyebabkan Malaysia mula dianggap sebagai aktor yang semakin berpengaruh di peringkat antarabangsa. Dalam nada yang hampir serupa, Vinod B. Sekhar pula cuba menggariskan peranan yang boleh dimainkan oleh negara dalam pelaksanaan tatabaru dunia pasca Perang Dingin dan Perang Teluk. Pengukuhan peranan dalam meluaskan pasaran ASEAN, kerjasama rapat dengan negar-negara Perindustrian Baru (NIC's) dan komitmen ke arah merealisasikan EAEC serta penggembelangan tenaga masyarakat berbilang bangsa dan kaum dalam negara dilihat sebagai angkuh-angkuh penting yang akan menentukan kejayaan negara ini pada masa hadapan.

Perbezaan orientasi, matlamat dan kepentingan nasional selalunya boleh membawa kepada ketegangan perhubungan di antara negara-negara di arena antarabangsa, terutamanya di kalangan negara-negara yang berjiran. Namun, sejarah telah membuktikan bahawa kehijaksanaan mengendalikan dasar luar, kepekaan terhadap kepentingan nasional dan serantau antara satu negara dengan negara lain serta semangat setiakawan, merupakan pra-syarat perhubungan harmoni antarabangsa. Dra Aelina Surya mengemukakan aspek-aspek ini dalam menganalisa perhubungan antara *jiran yang bersaudara* iaitu Malaysia-Indonesia. Kerjasama rapat di bidang politik, ekonomi, sosial-budaya dan pendidikan antara dua negara tersebut telah berjaya mewujudkan hubungan yang stabil, kukuh dan penuh potensi positif. Dasar luar kedua-dua negara sentiasa memperlihatkan keinginan mengadakan perhubungan akrab dalam setiap bidang. Malaysia misalnya, sejak kepimpinan Datuk Seri Dr. Mahathir telah melancarkan *Dasar Pandang Ke Timur* yang memaparkan penekanan positif terhadap kemajuan dalam bidang industri dan pembangunan yang berkiblatkan negara-negara timur dan serantau. Sudah tentu, ini melambangkan keinginan negara untuk menstabilkan perhubungan serantau vis-a-vis negara-negara jirannya, dan antarabangsa. Justeru hubungan Malaysia-Indonesia akan terus menjadi teras dasar luar negara. Satu lagi dimensi penting dalam *Dasar Pandang Ke Timur* ini ialah pengambilan Jepun sebagai model pembangunan negara. Saudari Mahfudzah Mustafa mengupas aspek ini dengan melihat sejarah perhubungan ekonomi di antara Jepun dan Malaysia, polisi-polisi kedua buah negara berkaitan dengan perindustrian, pelaburan dan perdagangan serta masadepan perhubungan tersebut dalam menangani tatabaru dunia tunjangan Amerika Syarikat.

Selain dari memaparkan persoalan-persoalan yang berkaitan secara langsung dengan perhubungan luar Malaysia, Seminar Politik Malaysia yang Ke-V ini juga telah